

1980

N

12





PRORECTOR
 ACADEMIAE VITEMBERGENSIS,
 GEORGIUS FRIDER.
 SCHROEERVS,
 Log. et Metaphyf. Prof. Publ.
 CIVIBVS ACADEMICIS
 S. P. D.





PRincipes DEI munere dari, coeloque demitti, pia et vetus sententia est, non modo sapientum argumentis, sed etiam divinius oraculis comprobata, et omnium gentium, omnisque memoriae hominum consensione, omnibus, quae fuerunt, seculis confirmata. Horum enim auspicio res magnae, vitaeque communi pernecessariae geruntur, atque imperia et societates publicae legibus constituuntur, constitutae autem ab iniuria et interitu conservantur, adeo ut sine eorum auxilio omnis vita in metu et solitudine sit futura. Quos alii in Graecia et Latio, aut in extremis terrarum regionibus quaerant: ego, si a patria discessero, oculis in viciniam conversis, Principes commemorabo ANHALTINOS, natalium gloria, et magnitudine animi, et meritorum multitudine cum optimis et antiquissimis Germaniae Principibus adaequandos. In his quidam libertatis propugnatores, et religionis ac iustitiae vindices extiterunt: quidam ab armis ad pacis studia ducti, a sole et pulvere Martio, in spatia et ambulacra doctorum hominum diverterunt. Ex tanto Principum numero, nostra memoria eluxit, et dignum maioribus animum suscepit. PRINCEPS generis, naturae, et industriae ornamentis nulli superiorum, et proximorum gentis suae Principum secundus, Serenissimus PRIN-

CEPS

CEPS EMMANVEL LEBRECHTVS, ab incun-
te aetate formatus ad virtutes maximas, quae
in regali statura exsplenduerunt. Plenus reli-
gione PRINCEPS religiosos homines amavit, e-
ruditos honestavit, bonos complexus est, fidos
in familiam adoptavit, et sapientes sibi perpetuos
comites in consiliis et curiae negotiis ascivit.
Tam praeclare existimavit de literarum studiis,
praesertim cum aulae elegantia, et multo rerum
usu coniunctis. Regnorum situm, mores, et
instituta Regum, unus omnium diligentissime
notavit Divus PRINCEPS, cum Belgium et Galli-
am, finitimasque regiones peragraret, gloriae
studio incitatus, maxime in illo aetatis flore,
quo actiones suas in conspectu externorum Prin-
cipum, et luce vitae collocare gestiebat. Multi
regiones percurrunt, et versantur cum vulgo,
sapientiamque in trivio quaerunt, nec verae lau-
dis splendorem consequuntur. Sed in animo
Divi PRINCIPIS altior vis infedit, fama que virtu-
tum in omnes terrarum oras pervasit, cum sic
dignitatis suae rationem haberet, ut magis de
salute hominum sollicitus esset, magisque de glo-
ria divini Numinis laboraret. Tanto maior.
Principibus aliis, quanto a voluptatibus remo-
tior, modum cupiditati constituebat, divini au-
tem cultus causa nullam curae partem praeter-
mittebat, et coetui nostro sic indulgebat, ut ma-
gno, et ad regalem gloriam accedente sumptu,
tem-

templum aedificaret, in quo ritus nostri fierent, atque ex Lutheri formula peragerentur. Hoc argumento permotus, et aliis Principalibus beneficiis adductus, Juvenis nobilissimus, et in sapientiae liberaliumque artium studiis exercitatissimus, scientiaeque salutaris maxime deditus, ABRAAMVS VATERVS, Vittembergensis Saxo, summas Patris, dexterrimi Archiatri, Doctorisque publici in coetu nostro celeberrimi, D. CHRISTIANI VATERIA, vique vita et meritis sanctissimi, laudes, cursu rerum prospero, et successu omnibus numeris felici imitaturus, ac multum studii, atque operae ad hanc causam allaturus. Qui futuro die Iovis, quo Divo Principi iusta fient, ab hora ante meridiem IX. in templo arcis supremum officium solvet, Principi, inquam, *Serenissimo Coethanae propaginis Anhaltino, Comiti Ascaniae, Domino. Servestae et Bernburgi, ETC. ETC. ETC. Domino, cum in vivis esset, mihi patribusque Indulgentissimo, Clementissimoque.* Proinde VATERO iuniori, oratione gravi et luculenta pietatem, quam suo nomine, etiam nobiscum debet, hora publice constituta, in solenni Patrum et Hospitum Civiumque corona more atque instituto lugubri declarabit. Adeste, quaesumus, Perillustres LIBERI BARONES; Generosissimi ac Nobilissimi omnium Ordinum Cives, et VATERUM nostrum, bene ornateque dicendi facultate praeditum, nec tantum verborum copia promptum, sed etiam ornamenta orationis et lumina, quoad per publicum fieri dolorem potest, adhibiturum. Nos inter lacrymas, quas tenere non possumus, moeroris leniendi praesidium ab hoc etiam oratore expectamus, Divoque PRINCIPI, qui terrarum orbem Nominis fama, divinisque virtutibus implevit, praemium aeternitatis in caelo, et beatarum mentium sede consecuto, ponimus monumentum, in ore et animis Patrum iuxta atque civium semper mansurum. P.P. Dominica XIV. TRINIT.

Anno clō Io CCIII.



80N 12

ULB Halle 3
005 302 617





PRORECTOR
 ACADEMIAE VITEMBERGENSIS,
 GEORGIUS FRIDER.
 SCHROEERVS,
 Log. et Metaphys. Prof. Publ.
 CIVIBVS ACADEMICIS
 S. P. D.

